

Yeshua, Esun Ungi di Israel i Juda; Su Pretu Wowo

E Rais ku ta **sostené abo** i tur **e nashonan** di mundu ta **e Restante di Israel i Juda**. Pasobra **SEÑOR Su** porshon ta **Su Pueblo**; **Jakòb** ta **e parti di Su Erensia**. **Dios Tata** a **Hañ'é** na un tera **di desierto**, i den abandono **di horibel soledat**; **Dios Tata** a **Rondon'é**, **Dios Tata** a **Pèrkurá p'é**, **Dios Tata** a **Ward'e** manera **Dios Tata Su Pretu Wowo**. (**Deuteronomio 32:9-10**).

Yeshua: e Lei, e Enseñansa di Dios Tata!!!.

"No ta tur hende ku bisa **MI: 'Señor, Señor,'** lo drenta **e Reino di Shelu**; ma esun ku hasi **e Boluntat di Mi Tata** ku ta **den Shelu**. **Hopi lo bisa Mi den e dia ei: 'Señor, Señor, nos no a profetisá den Bo Nòmber,** i **den Bo Nòmber a saka demoño,** i **den Bo Nòmber a hasi hopi milager?'** E ora ei **lo Mi deklará na nan: 'Nunka Mi no a konosé boso;** bai for **di Mi, boso ku ta hasi inikidat; ignorando Mi Tata Su mandamentunan'** (**Mateo 7:21-23**).

Ta di ken i kiko **Yeshua** kiermen ku: "**Nunka Mi no a konosé boso, boso ku ta hasi inikidat**"? Awor aki **den 2020** ta den **e religion di Kristianismo** so nos ta **profetisá den Yeshua Su Nòmber,** nos ta **saka demoño den Yeshua Su Nòmber** i nos ta **hasi hopi milager den Yeshua Su Nòmber**.

Inikidat ta nifiká **ignorando Dios Tata Su mandamentunan**. Awor **e mandamentunan** ku ta wordu referi aki na dje ta **e mandamentunan di e Enseñansa di Dios Tata** ku ta skirbi den **e Tenach,** loke **Kristianismo** ta yama den **2020 e Testament Bieuw**.

Pero tin un diferencia importante entre **e Testament Bieuw** i **e Tenach,** ku ta **e klasifikashon di e bukinan**. Den **e Testament Bieuw** e klasifikashon ta: **e Lei,** despues **e bukinan di historia,** sigi pa **e bukinan di poesía i Sabeduria** kabando ku **e bukinan di e Profetanan**. Mientras ku **e klasifikashon di e Tenach** ta: **e Lei, e Profetanan** i **e Skrituranan**. (**Lukas 24:44**).

Dor di **e klasifikashon** aki, **e Tenach** ta kaba ku **e buki 2 Krónika 36** versikulo 23: "Asina Siro, rei di Persia, ta bisa: '**SEÑOR, e Dios di Shelu,** a dunami tur **e reinonan** di tera, i **EI** a mandami traha un kas p'E **na Jerusalèm** ku ta keda na **Juda**. **Esun** ku **ta meimei** di boso **di henter Su Pueblo,** ku **SEÑOR su Dios** sea kuné, i lagu'é subi bai!'"(**2 Krónika 36:23**).

Pasobra mi ta bisa ku **Yeshua** a bira **un Sirbidó** di **e sirkumsishon** pa kousa di **e Bèrdat di Dios,** pa konfirmá **e Promesanan** duná na **e tatanan,** i pa **e paganonan Glorifiká Dios pa Su Misericòrdia;** manera ta pará skirbí: "Pesei lo mi duna **Alabansa** na **Bo meimei** di **e paganonan,** i lo mi kanta **na Bo Nòmber**." I atrobe e ta bisa: "**Regosihá, O paganonan,** huntu ku **Su Pueblo**." I atrobe: "**Alabá Señor,** boso tur, **paganonan,** i laga **tur pueblo alab'E**." I atrobe Isaias ta bisa: "**E rais di Isaí lo bin,** i **Esun** ku **ta Lanta** pa goberná **e paganonan,** den djE **e paganonan** lo spera." (**Romanonan 15:8-12**).

2 febrüari 2020

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.